



**Der Stat Worm[b]s || Reformacion: statute[m].
ordenu[n]g || Satzung die alle[n] Stette[n]: co[m]munen:
Regime[n]ten: fürste[n]=||thum: Herschafften:
Amptleüte[n]: nutzlich: furdlich: vn[d] || ...**

Knobloch, Johann

Straßburg, 1509

VD16 VD16 W 4382

VD18 VD0096124

Wie der appellirer nach gethaner appellacion inn Recht volnfarn vnnd
procediren soll.

[urn:nbn:de:hbz:466:1-98940](https://nbn-resolving.org/urn:nbn:de:hbz:466:1-98940)

Vñer appellacion in sachen so in beyurteilen vñ in sachen so in beyurteilen vñ. Zi.iii

In yeder appellans soll seyn gethan appellacion dem obern Richter an sagen vñ daruff in recht zu volfarn Ladung bitten vñ erlangen. Vñ die selb Ladung den Appelaten das ist dem widerteil verkünden lassen: wie in sachen der ersten Instantz angezeigt ist.

Vñ vff den angesetzten Rechttag in der ladung bestimpt durch de selben appellanten oder seinen Anwalt der des gewalt haben vñnd darlegen soll: anfanglich ingelegt vñ repetirt werden die ladung mitt irer verkündung. vñ daruff die appellacion vñ das formlich appellirt sye vñderscheidlich anzeigen vñ fürbringen. Vñnd so die appellacion der formalien halb vñnd den appellaten zugelassen wür de: fürter Libellus appellatorius inn form vñnd masse als hernach steet fürbracht werden. So aber der appellat den appellanten keiner appellacion gesteen oder die anfechten wolt: alsdann soll der appellans vor allen dingen Formalia seynet appellacion beweysen vñnd rechtfertigen.

Nach dem aber schwer ist solich formalia zu beweisen one die vñteil vñnd gericht/tes Acta der ersten instantz: so soll vñnd mag der appellans in außbringē d ladung bitten vñ begern gebots oß gezwangnützbrieffe Compulsoriales genant inn gewonlicher form wider die Richter d vordern instantz die gerichtshandlung zu übergeben vñ dilacion das ist ein zimlich zeit solich gerichtshandel vñ Actain zubringen: die im erkant gegeben vñ bestimpt werde sollen. Also das er vff die terminen in der Citation bestimpt vñ kein mangel oder sammus an yme sey.

wie in sachen so in Beyurteilen oder Beschwer nütz Appellirt ist: procedirt werde sol. Vñderteil.

Daber der Appellatus das ist der ihene wider den appellirt ist die vorgenant appellacion nitt anfechten wolt: oder der appellans durch inbringūg der gerichtsh Acta etc. solich formalia beweysen vñ iustificirt hette solt als: dan der selb appellirer sein appellacion an statt eins Libels souerr von einer beyurteil oder beschwernütz appellirt worden were repetiren. vñ sein Peticion mündlich oder in schriftten thūn der meynung. Darumb so begere vñnd bitt ich zu erkennen das übel gehandelt vñ gesprochen vñ wolt appellirt sey.

Darnach soll dem widerteil souerr er die selb zeit zu antworten nitt geschickt were vff sein begern Acht oder vierzechen tag nach ermessung des Richters ziel gesetzt werden. der selbenn clag oder Peticion zu antworten vñ souerr solich Clag verneint vñnd nort sein würde dem appellanten zeit zu articuliren vñ die selben zu beweysen gegeben wie dann vormalis bey den sachen der ersten Instantz geschriben vñnd gesetzet ist.